

ern/ einen Hinderhalt verordnen/ die im Fall der Noth
erufft/ die Belägerung vor Ofen/ Grekis vnd Stulweis-
senburg entsetzen vnd stercken köndten.

Dann so bald der Türcke des Zugs innen wirdt/
so wird er heraußer eynen/ die gemeldte Stätte zu entse-
hen/ als denn muß man ihm/ wie gemeldt/ vorkommen/
daß man sie mit dem Burgundischen vnd Schweize-
rischen Heer/ von der einen seiten/ vnd mit dem Polni-
schen vnd Walachischen Heer auff der andern seiten
hinderziehe/ vñ bey der Stätte einer/ ihm eine Schlacht
lieffere/ vnd nicht ablasse/ sondern biß gen Constantino-
pel nachfolge/ da denn das Polnische vnd Burgundische
Heer von hinten zu/ so woln auch die Armata, auff
dem Meer einander zu Hülffe kommen solten.

Es wil auch vor allen Dingen von nöhten seyn/
daß man Gottsfürchtige/redliche/ warhofftige/ erfahr-
ne (vnd nicht eygennütige Leute/ die Keyser vnd Könige
mit wunderlichen Practicken/ eines Theils außmür-
geln vnd matt machen) Befehliche Leute/ Obersten vnd
FeldHerrn erwehle/ die eines guten erbaren. Christlichen
Gewissens seynd.

Dann was kan ein voller Zapff vor Nutz schaffen/
der seiner selbst nicht mächtig/ oder wie wollen wir die
Unchristen schlagen/ die wir viel Gottloser seyn/ vnd
viel böser Ordnung haben/ Derentwegen so müssen wir
von Sünden ablassen/wahre Busse thun/ sich zu Gott
mit Ernst bekehren/ so wirdt Gott vnser Hauptmann
seyn/ vnd vns Sieg geben wieder vnser Feinde/ welches
Gott also in Gnaden/ durch Christum seinen Sohn als
so verleyhen wolte/ Amen. Der